

Broj: 08-02-2-63/2025  
Sarajevo, 24.02.2025. godine

PARLAMENT FEDERACIJE BOSNE I HERCEGOVINE  
DOM NARODA  
n/r Sekretar

Bosna i Hercegovine  
Federacija Bosne i Hercegovine  
PARLAMENT FEDERACIJE  
SARAJEVO

Primijeno:		26-02-2025	
Org. jed.	Broj	Priloga	Vrijednost
05/2	-02-	30	125

PREDMET: Odgovor na delegatsku inicijativu, dostavlja,-

VEZA: Akt Sekretara Doma naroda Parlamenta Federacije BiH  
broj: 05/2-02-11;30/25 od 04.02.2025. godine.  
Akt Vlade Federacije BiH broj 03-04-257/2025 od 11.02.2025. godine.

Aktima broj i datum naprijed navedeni, ovoj Upravi dostavljena je inicijativa Sanele Klarić, delegatkinje Doma naroda Parlamenta Federacije Bosne i Hercegovine koja je pokrenuta na 15. sjednici Doma naroda Parlamenta Federacije Bosne i Hercegovine održanoj dana 30.01.2025. godine, a koja se odnosi na upućivanje u parlamentarnu proceduru Nacrta Zakona o izmjenama i dopunama Zakona o zaštiti od požara i vatrogastvu, kojim bi se u obrazovni sistem u Federaciji Bosne i Hercegovine vratilo zanimanje profesionalni vatrogasac.

S tim u vezi, dostavljamo sljedeći odgovor:

Vlada Federacije Bosne i Hercegovine je Zaključkom V.broj 760/2024 od 14.05.2024. godine prihvatila inicijativu zastupnice u Predstavničkom domu Parlamenta Federacije Bosne i Hercegovine, Ajle Milišić – Pepić za izmjenu i dopunu odredbi čl. 105. i 106. Zakona o zaštiti od požara i vatrogastvu te zadužila ovu Upravu da u okviru aktivnosti na izradi Prijedloga Zakona o izmjenama i dopunama Zakona o zaštiti od požara i vatrogastvu, predloži tekst izmjena i dopuna odredbi čl. 105. i 106. navedenog zakona. Navedenom inicijativom stvaraju se zakonske pretpostavke kojim bi se omogućila prednost pri zapošljavanju učenika koji imaju završenu srednju stručnu spremu za zanimanje vatrogasac ili na odgovarajući način konkretnije obuhvatilo navedeno zanimanje.

Prije svega, važno je istaći da je ova Uprava u prethodnom periodu, više puta dostavljala Federalnom ministarstvu pravde Nacrt Zakona o izmjenama Zakona o zaštiti od požara i vatrogastvu, koji je trebao biti upućen u hitnu proceduru iz razloga što je Ustavni sud Federacije Bosne i Hercegovine svojim presudama utvrdio povrede prava na lokalnu samoupravu, a odnose se na brisanje odredbi čl. 112. i 114. Zakona.

Imajući u vidu da se navedenom izmjenom Zakona, realizuju presude Ustavnog suda, u tekst navedenih izmjena trenutno nije moguće uvrstiti inicijativu delegatkinje Sanele Klarić niti inicijativu poslanice Ajle Milišić – Pepić, jer se u odnosu na te inicijative mora provesti cjelovita javna rasprava u redovnoj proceduri.

Shodno naprijed navedenom, nakon što Vlada Federacije BiH uputi u hitnu parlamentarnu proceduru Zakon o izmjeni Zakona o zaštiti od požara i vatrogastvu u odnosu na odredbe čl. 112. i 114. Zakona, ova Uprava će shodno tački 3. Zaključka Vlade Federacije Bosne i Hercegovine V.broj 760/2024 od 14.05.2024. godine pristupiti aktivnostima provođenja šire javne rasprave u redovnoj proceduri Zakona o izmjenama i dopunama Zakona o zaštiti od požara i vatrogastvu, kojim će biti obuhvaćene inicijative Sanele Klarić delegatkinje Doma naroda Parlamenta Federacije

Bosne i Hercegovine i Ajle Milišić – Pepić, poslanice u Predstavničkom domu Parlamenta Federacije Bosne i Hercegovine, a kojim se u obrazovni sistem Federacije BiH vraća zanimanje profesionalni vatrogasac.

Opć. broj	Red. broj	Prilog	Vrijednost

Dostavljeno:

- Naslovu
- a/a



Privremeno postavljeni  
DIREKTOR  
Aldin Brašnjic